



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallela Geographiae Veteris Et Novae

Briet, Philippe

Parisiis, 1649

Nvm. 2. De Eubœâ.

urn:nbn:de:hbz:466:1-13167

Cytharis & fistulis incendebantur ad prælium. Turpibus puero-
rum amoribus infamati sunt, de quo plura apud Heraclidem in
Politiis leges. Epulabantur *χαθήμενοι θρόνοις*; reliquos conuiuio-
rum mores ex eodem Heraclide repetes. Erant item *εὐξένοι*, & pe-
grinos primis sedibus honorabant. Fuerunt quoque Sagittarij
optimi maximè Cydonenses, *Plutarchus*. Vino addictissimos facit
Athenæus; fraudulentos, rapaces, nullius fidei *Plutarchus*. Men-
daces vulgò audiebant; rationem reddit Scholiastes Callimachi,
quia dicunt se habere sepulchrum Iouis primi inter Deos. Cætera
ex Strabone, Athenæo, & aliis repetes.

POLITIA. Reges suos habuit, inter quos celebratur Asterius
cui nupsit Europa à Ioue rapta, & vnde nati Minos, Rhadaman-
tus, & Sarpedon. Hic quoque regnavit Minos alter, qui sibi ma-
ris imperium arrogavit, & maritus fuit Pasiphaës, quam Taurus
Dux vitiauit, fuitq; pater Androgeo, atque Ariadnes. Hinc quo-
que Reges Idomeneus, & Merion, qui bello Troiano interfue-
runt. Legislatorem habuere Minoem, qui nouem annis in antro
Iouem dicitur interrogasse. Aristoteles in Politicis ait, in Reip.
formam ordinatos fuisse, quam Lacedæmonij imitari conati sunt:
de quâ lege eundem Philosophum Politicorum lib. 2. cap. 8.
Tandem vt ait Velleius à Quinto Metello domiti sunt, cum for-
tissimè restitissent, & in prouinciæ formulam sunt redacti.

N V M. 2. De Eubæâ, & Abantibus, seu Eubæensibus.

NOMEN. Eubæa dicebatur olim, Plinio teste, *Macra*, & *Ma-
cris*, propter longitudinem, vt putat Gerbelius; vel à Macride
Nymphâ nutrice Iunonis, vt vult Homeri Schol. Apud eundem
Plinium nominatur quoque *Abantias*, *Chalcis*, *Calchodontis*, &
Asopis: Abantias quidem, à populis Abantibus, qui vt ait Aristo-
teles ex Abâ profecti sunt: Asopis, ab Asopo Eubææ Nymphæ
patre: Chalcis à comite Asopi, vel quòd hîc primùm officinæ æ-
rariæ inuentæ sunt. Apud Strabonem hæc quoque Insula dicitur
Onche, & *Ellophia*: Onche quidem à monte hîc insolitæ magnitu-
dinis; Ellophia verò, à Ioue Ellope. Ælianolib. 12. hist. Animal.
cap. 33. ex Poëtis *Ἀρχιλοῖος* vocatur. Eius autem incolæ apud Ho-
merum sæpe Abantes, numquam Eubæenses appellantur, inquit
Strabo. *Eubæa* denique nuncupata est, vel ab Eubæâ nymphâ

prædictâ, vel ab Io boue, quasi βοὸς ἀλώη, propterea quod Io hîc in antro quodam Epaphum genuisset.

QUANTITAS. *Longitudo* eius ex Ptolemæo eiûsque principiis est à Cœneo Pro. ad Caphareum Pro. stadiorum 1125. *Latitudo* verò à Cerintho ad Chalcidem metropolim 250. stadiorum.

QUALITAS. Olim Bœotix annexa erat, sed terræ motu, quo hæc Insula laborare solet, abrupta est, inquit *Strabo*. Calidis abundabat aquis; quæ in campo Lelanto, erant admodum salutares, ait *Plinius*: meminit idem Carystij marmoris, quod ad urbem Carystium effodiebatur. Item æs hîc primò repertum fuit. Olympias ventus erat huic Insulæ peculiaris. De piscibus falsis, & Euripo dicemus in Admirandis.

MORES. Doctissimi fuere Eubœenses, & literis deditissimi, vt testantur Academia Eretriensis, & Chalcidensis, quarum meminit *Strabo*. Colebantur illic Gigantes Briareus, & Ægeon.

POLITIA. In eâ Abantes rerum potiti sunt ex Phocide digressi, vt suprâ innuimus. Instituta postea duæ Resp. Chalcidis & Eretrix, quæ Colonias dimiserunt in varias Regiones; his principia dederunt Athenienses, Aclus Eretrix, Cothus Chalcedi.

NVM. 2. De Corcyra, Phæacibus, & Corcyreis.

NOMEN. Dicta est hæc Regio *Corcyra*, & *Cercyra*: *Coreyra* quidem à *Corcyra* Nymphâ quam Neptunus rapuit, & in eam Insulam detulit, ait *Diodorus*. *Cercyra* autem à *Cercyre* Asopi filiâ. Appellata quoque *Phæacia* à *Phæaco* Neptuni & *Corcyræ* filio, vt vult *Stephanus*, vnde populi *Phæaces* huius insulæ Coloni, de quibus tam multa *Homerus*. *Ceraunia* quoque dicitur apud *Apollonium* 4. *Argon*. Apud *Æthicum* *Cassiope* ab urbe cognomine. *Eustathius* quoque notat vocatam esse *Scheriam*, *Argos*, & *Drepanem*: & *Drepanem* quidem, vel à falce quam à *Vulcano* impetrarat *Ceres*, eamque hîc defoderat, vel ab eâ quâ *Saturnus* patrem exsecuit. Inuenitur quoque dicta *Macris* à *Macride* Nymphâ *Bacchi* nutrice.

QUANTITAS. Ex Tabulis Ptolemaïcis, eiûsque mensurandi ratione *Longitudo* Eubœæ ab urbe *Cassiope*, ad *Leucimna* Pro. erat 583. stadiorum. *Latitudo* ab *Amphipego* Prom. ad *Corcyram* urbem 166. stadiorum.